



## PRO INFIRMIS Metter ord via obstachels

(cdm/fmr) Metter ord via obstachels dal mintgadi – quai è la finamira da la surdada dal Cristal da Pro Infirmis da quest onn cun il tema «Nus n'ans laschain betg impedir». Quai scriva l'organisaziun en ina comunicaziun a las medias.

Umans cun in impediment, lur parents e lur persunas da referiment obtengan la pussaivladad da render attent cun l'acziun la publicitad a lur obstachels dal mintgadi. En in segund pass pon vegnir inoltradas soluziuns pussaivlas per quests obstachels. Il project ha cumenzà ils 3 da matg 2021. Quel di è vegnida lantschada en la rait la pagina d'internet [www.alltagshuerden.ch](http://www.alltagshuerden.ch). Las victuras u ils victurs da las meglras soluziuns vegnan eruids da persunas perturgadas e d'ina giuria.

Pro Infirmis s'engascha per l'inclusiun e l'autodeterminaziun d'umans cun in impediment. Per la 15avla giada surdat Pro Infirmis Grischun il Cristal da Pro Infirmis. Entant che la distincziun undrava pli baud prestaziuns spezialas a favur d'umans cun in impediment, stattan oz en il center ils umans sezs cun in impediment. Cun il project actual vul Pro Infirmis, ensemen cun persunas perturgadas, render attenta la publicitad e la politica als obstachels dal mintgadi da persunas cun in impediment e preschentar soluziuns pussaivlas.

**La rangaziun da las propostas e la surdada dal premi han lieu ils 22 da november 2021 en il Titthof a Cuira. La pagina da l'acziun: [www.alltagshuerden.ch](http://www.alltagshuerden.ch).**